




**CELEBRACION DI FIN DI  
AÑA Y HURAMENTACION  
DI MIEMBRO NOBO DI  
DELTA ARUBA LEO CLUB**



**WWW.SOLODIPUEBLO.COM**



**SOLODIPUEBLO@GMAIL.COM**

**CONSECUENCIA DI AGRESION  
VERBAL DURANTE AÑAS A  
CULMINA DEN UN MOKETE RIBA  
SPEED ANDRADE**



**PARTIDO AVP NO A CUMPLI  
CU LEY DI FINANCIAMIENTO DI  
PARTIDO POLITICO**

Mike Eman a haci declaracion falso cu e no a ricibi ningun  
donacion ni a haci fundraising durante campaña.



**HUSTICIA, OM Y HOF A  
PERMITI SPEED SIGUI BULLY  
DOR DI NENGA DI ATENDE  
MAS DI 20 KEHO**

De door klager ter zitting overige naar voren gebrachte uitlatingen van beklaagde staan in deze procedure niet ter beoordeling.

Het Hof zal als volgt beslissen.

De beslissing

Het Hof:

wijst het beklag af.


Deze beschikking is gegeven op 12 december 2023 in Curaçao door  
mrs. F.V.L.M. Wannyn, S.M. van Lieshout en J.A.W. van 't Westeinde, leden van  
het Hof, in tegenwoordigheid van de griffiers.

Ondertekend door de griffier mr. P.M. Huizenga.

*[Signature]*

*[Signature]*

**AUTO TA BIRA SIN WAK  
CU UN OTRO AUTO TA  
BAY PASE Y NAN TA  
ACCIDENTA**





## Partido MEP:

# Lider di MEP Evelyn Wever-Croes den programa radial “Interes di Pueblo”:

## MEP DEN GOBIERNO A AUMENTA PENSIOEN DI BIEHES 5 BIAHA DEN 7 AÑA, MAS CU 400 FLORIN”

### MEP NO TA PRIMINTI Y DESPUES KIBRA PALABRA



Lider di Partido di MEP señora Evelyn Wever-Croes tabata invita den e programa radial “Interes di Pueblo” na radio Top FM diasabra ultimo.

El a elabora entre otro riba e aumento di pensioen di biehes cu partido MEP den gobierno a haci na forma responsabel.

“Nos ta un partido cu ta bisa loke nos ta haci, y nos ta haci loke nos ta bisa. Nos a compromete nos mes pa un maneho responsabel y p’esey a crea e espacio financiero y despues a hisa e suma di pensioen 5 biaha y e reparatietoeslag pa pensionado 3 biaha, durante Gabinetenan Wever-Croes 1 y 2. Contrario na e lider di partido AVP cu a priminti durante campaña cu e lo hisa e pensioen di biehes cu 700 florin den e prome 100


dianan, siendo cu e tabata sa cu no ta responsabel. Pero nos no conoce otro di e partido AVP, cu ta conoci pa manipula pueblo, Lider di MEP a expresa.

Lider di Partido MEP a sigui remarca cu apenas 10 dia despues di eleccion december ultimo, e lider di partido AVP a declara cu e lo no por cumpli cu e promesa mas di hisa e pensioen cu 700 florin den e prome 100 dianan, sino e no por forma gobierno. Pero ta obvio cu comunidad no a acepta esaki y ta exige e 700 florin den 100 dia!

“Partido MEP ta un

partido responsabel y transparente. Ora algo por, nos ta bisa cu nos ta haci’e y nos ta haci’e. Ora algo no por, nos ta bisa esey tambe. Un mayoria den comunidad a vota pa un promesa cu no por wordo realisa y awor ta sinti defrauda. Nos lo no cambia nos forma di hiba politica. Nos ta bisa loke nos ta bay haci, y nos ta haci loke nos bisa. Tanten cu MEP ta den gobierno, nos lo sigui traha na bienestar di nos pensionadonan, y di henter nos comunidad. Cu responsabilidad, transparencia y honestidad”, lider di MEP a declara.

## CHAUFFEUR DI VAN NO A REGULA VELOCIDAD NI MANTENE DISTANCIA A BAY DAL TRAS DI UN NISSAN KICKS




Diasabra mainta a drenta e Tweg dilanti Voogdijraad na Avenida Milio Croes, informe di un accidente na

mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Hyundai Van no a regula su velocidad ni a mantene distancia a bay dal tras di un Nissan Kicks.

Afortunadamente ningun hende a resulta herida.





# CONSECUENCIA DI AGRESION VERBAL DURANTE AÑAS A CULMINA DEN UN MOKETE RIBA SPEED ANDRADE

Diabierna tardi, un incidente a tuma lugar ora cu Speed Andrade a wordo agredi cu un mokete den cara. Segun Edmond Croes a informa, ta trata di su sobrino. E situacion aki ta un resultado di añanan largo di agresion verbal y bullying riba e plataforma di Mark Benson Denz, Speed y Patrick, cu ta usa nan plataforma pa ataca henter Aruba, den e caso aki Famia Croes.

Edmond a duna claridad riba esaki, indicando cu e bullying verbal ta un realidad tur dia, no solamente pa su famia, pero tambe pa hopi otro famianan den comunidad. El'a bisa: "Mi sobrino mesora a bai warda di polis na Shaba despues di e mokete." "Lamentablemente, esaki ta consecuencia di añanan di abuso emocional contra su tata, su wela (dfm) y

henter su famia."

Ta importante compronde cu su sobrino ta un ser humano cu tambe tin sentimiento y cu su accion ta simplemente pa contesta e bullying. Edmond a yama atencion riba e problema serio cu hopi otronan ta sufri den silencio.

Edmond a manda un mensahe di sosten y amor: "Sobrino, nos ta comprondebo y nos ta cubo semper."

E incidente a habri e debate den comunidad riba e impacto di agresion verbal y abuso emocional, y ta hasi un yamada pa stop bullying.

Edmond a bisa cu e no tin control riba su sobrino of sobrinanan. Maske e ta papia cu nan constantemente pa nan keda tranquil, pero ora

nan mira of topa cu Mark Benson, Speed of Patrick, nan emocionnan ta bay halto y nan no por contene nan mes di atende cu nan.

E plataforma di Mark Denz a presta su mes pa trece noticianan falso, manipulativo, hasta haci mofa di famianan di Croes na un forma regular.

Nunca Croes a usa su medionan pa papia di mama, tata of welo of wela di Mark Benson. NUNCA!

Pues awor e cos a sali for di man, no por culpa e sobrino, pasobra e no ta e agresor, e ta victima, e agresor ta e trio cu ta disfruta y kisas haya orgasmo di odio, cu ta hiba nan pa lansa tur sorto di bully.

E trio ta dirigi nan audiencia: "Ora bo topa e famianan Croes riba caya,



grita nan !”..

bulymento?


E tipo di opruing nan ey a keda sosode y tur autoridad a para wak. Dia a keha nan na polis, OM, corte y HOF a dicta cu no ta atende e keho y asina a duna e trio “free hand” pa sigui instiga.

Awor cu sla a cay, nan kier pidi pa stop agresion? Y ki dia nan a wak nan mes den spiel pa pidi stop e

E lamentabel cu e caso mester a bay for di man, pa awor henter comunidad cuminsa lansa nan vos di protesta contra Mark Benson, Speed y Patrick.

Si no bini un cambio di curso di e plataforma, nan mes ta invita pueblo pa atende cu nan riba caya.

## AUTO PROCEDENTE DI JOYRIDING LOCALISA NA PALM BEACH



Diasabra anochi a drenta informe di cu tin un auto procedente di joyriding cu lo a ser laga para banda di un cas den construccion na Palm Beach, mesora a dirigi un patruya na e sitio. Na yegada di e patruya a bin encontra cu e Hyundai Accent procedente di joyriding. Mesora a pidi pa un takelwaden bin busca y confisca esaki pa mas investigacion.





Parlamentario Edgard Vrolijk den programa radial “Interes di pueblo”

# PARTIDO AVP NO A CUMPLI CU LEY DI FINANCIAMIENTO DI PARTIDO POLITICO

**Mike Eman a haci declaracion falso cu e no a ricibi ningun donacion ni a haci fundraising durante campaña.**

Durante e programa radial “Interes di Pueblo” di diasabra ultimo, Parlamentario Edgard Vrolijk a elabora riba e ley di financiamiento politico. Pa ley cada politico y cada partido politico mester raporta cuanto fondo nan a haya na donacion y na fundraising un aña prome cu eleccion. Mester a raporta den dos parti. E prome mester a wordo entrega na Consejo Electoral dos siman prome cu eleccion, y e di dos mester a wordo entrega dos siman despues di eleccion.

Meta di e ley no ta pa stroba politiconan, sino pa duna transparencia. Especialmente mirando cu

den pasado nos a conoce e caso di Roberto Rincon, cu a haci donacion di \$50 mil na Mike Eman pa su campaña y despues ora Mike Eman tabata den gobierno, Roberto Rincon a haya permiso y tereno na cantidad. Pa evita situacionnan asina, a bin cu e ley. E declaracionnan ta wordo publica riba e website di Consejo Electoral.

Partido MEP a cumpli cu e ley y a publica e total di placa cu a haya di donacion 8,551 florin y 220,510 fundraising na e diferente rifanan cu e partido a organisa den ultimo aña. Total partido MEP a genera 229.061 florin den

ultimo aña pa por a cubri e gastonan di campaña.

Parlamentario Edgard Vrolijk a informa cu tur hende por mira cu partido AVP a declara cu a genera apenas 69,509 florin na fondo.

Tur hende ta realisa cu 69 mil florin no tabata suficiente pa e campaña miyonario cu AVP a hiba. A hisa mas di 2000 bandera, como 4 bandera na un cas y a paga habitantenan pa pega bandera na nan cas. Ta obvio cu e 69 mil florin ey no lo a cubri ni un kwart di e gastonan cu partido AVP a haci.

Aparte di esey lider di AVP Mike Eman a raporta



cu e no a haya ningun cen na donacion ni na fundraising. Esey ta haci e declaracion di partido AVP aun mas irrealistico!

KICO TA E CONSECUENCIA?

Ley ta stipula cu si bo no raporta tur donacion y fondo recauda, e comision di Consejo Electoral lo

haci investigacion y por impone un multa.

Haci declaracion falso ademas ta un hecho castigabel cu lo wordo investiga pa Ministerio Publico. Pues, e declaracion falso aki di partido AVP y di Mike Eman por tin consecucionan hopi serio pa e partido y pa Mike Eman.

## AUTO A BAY CORE TRAS DI AMBULANS BAYENDO CU URGENCIA Y A BAY PEGA TRAS DI E AMBULANS



Diasabra atardi a drenta informe di un accidente cu hende herida dilanti di C-Mart na E.J. "Watty" Vos

blvd. mesora a dirigi tanto polis como ambulans na e sitio.

Na yegada di e patrulla



a bin compronde cu un chauffeur a haya ta bon di bay core tras di un ambulans bayendo pa un emergencia y yegando na e rotonde e ambulans mester

a brake pa trafico pero e auto cu tabata siguiendo tras di e ambulans si no a logra para y a bay dal tras di e ambulans. Debi na e fuerte impacto

e paramediconan di ambulans a resulta herida. Na yegada di nan colega nan a atende nan y a transporta nan pa hospital.




# HUSTICIA, OM Y HOF A PERMITI SPEED SIGUI BULLY DOR DI NENGA DI ATENDE MAS DI 20 KEHO

Oranjestad, Aruba – Edmond Croes, miembro di e famia Croes, a sali den publico pa comparti su oponio riba e maneho di autoridadnan cu ta relaciona cu keho di bullying contra Speed Andrade. Croes ta argumenta cu, apesar di su esfuerso pa tuma tur paso legal pa stop e bullying, ni Ministerio Publico (OM), ni Corte, ni HOF a tuma e consecuencianan di e situacion na serio.

Keho no a wordo atendi: “Nan mes a cria e monster” Segun Croes, e famia a entrega varios keho formal contra Speed Andrade, pero e contesta di OM tabata consistentemente

negativo. “Ministerio Publico no ta haya cu su bullying serio. Tambe nan a bisa cu no tin personal pa investiga e caso.” E apelacion tambe no a resulta den un cambio; Corte y HOF a apoya e decision di OM.

Croes ta pone enfasis riba e responsabilidad di e autoridadnan na e situacion actual: “Mi ta spera cu OM, Corte, Huez, y HOF awor realisa cu nan mes a tolera y permiti cu e situacion escala. Nan mes a cria e monsternan di bullying. E caso su number tabata: HAR-90/2023. E impacto na henter comunidad:



Croes ta skirbi cu e falta di accion di autoridadnan a duna Speed un “freehand” pa sigui bully henter Aruba, y nan actitud ta contribui na un ambiente unda keho y abuso verbal no ta ricibi e atencion necesario.

“Mi ta spera cu tur hende realisa awor cu cada denuncia tin su motibo, y cu dor di keda sin atende, boso mes a contribui na unda nos ta awe.” Entre varios victima di bully, tin mas di 20 of 30 keho entrega. Ningun a wordo atendi. Esaki ta


hasi un yamada urgente pa autoridadnan pa reevalua nan decision ora ta trata di bully, smaad en laster, pasobra e consecuencianan di falta di accion por ta devastador pa esnan involvi.

## AUTO TA BIRA SIN WAK CU UN OTRO AUTO TA BAY PASE Y NAN TA ACCIDENTA



Diasabra madrug a dreña informe di un accidente cu hende herida banda di Riuz Take Away na Tanki Leendert, mesora a dirigi tanto polis como ambulans na e sitio. Na

yegada di e patruya a bin compronde cu aki ta trata di un accidente unda cu un Hyundai preto a bay bira na man robes pa bay na un snack pero no a ripara cu un Honda shinishi a bay



pasa nan y e Honda a bay dal nan na e banda robes di e Hyundai. A consecuencia

di esey un persona a dal su cabes na e windshield y a resulta levemente herida.

Na yegada di e ambulans nan a atende e victima na e sitio mes.



## Aunke ta stap pa stap

# GABINETE WEVER-CROES A SA DI HISA PENSIOEN CU MAS DI 400 FLORIN CONTRARIO DI PROMESA HACI PA OPOCISION CU NAN MESTER A BARI FO'I MESA DESPUES DI ELECCION



Tin un desgaste despues di gabinete Wever-Croes II y esey ta comprendibel y no tur hende por a yuda. Esaki ta loke cu Prome Minister Evelyn Wever-Croes a indica durante e programa Interes di Pueblo na TOP FM 95.

Berdad si ta cu Aruba ta un pais pionero y ehemplar den e region y henter mundo, p'e forma con lihe a recupera. A penas dos aña despues cu e pandemia a pasa, Aruba a para bek riba su pianan. No tr hende a wak esey como algo importante pa continua cu ne lamentablemente, pero e ta un realidad si cu ningun hende no por kita.

Papiando di e resultado di eleccion, tabatin hopi manipulacion atrobe, manera cu por mira semper di e partido oponente. E promesanan irealistico cu tabata sa cu nan no por cumpli cu ne y esey a realisa tambe. Por mira cu e gobierno aki a anuncia cu a hisa e pensioen di biehes entrante prome di januari un biaha mas, e biaha aki cu 2.4%. Si wak bek durante varios aña, ora a drenta gobierno na 2017, e pensioen di biehes no a wordo ahusta p'e gobierno prome cu nan practicamente nunca.

Unabes cu a drenta na 2018 a aument'e prome biaha. Na 2019 tambe. Pa 2020 y 2021 no por a aument'e pasobra tabata den gara di pandemia y e fondo tabata hopi critico e tempo ey. Pero ya na 2022 a aument'e pa di tres biaha. 2023 pa di cuater biaha y na fin di 2024 a aumente.

Ademas e reparatietoeslag cu e pensionadonan ta haya tambe a aumenta na 2018, na 2023 y mita di 2024 a bolbe aument'e. Si mira bon, eseynan hunto a aumente den 7 aña cu 400 florin. Y esey ta algo cu por a haci pasobra ta hacie cu pasonan responsabel, stap pa stap.

E partido oponente a priminti cu lo hisa e pensioen di biehes cu 700 florin den un solo shot y esey no por, ta kibra e fondo. Segun Wever-Croes, kende tambe ta lider di MEP, e fondo por wanta un aña, maximo 2 y despues ta bay bancarota y e ora no lo tin pensioen pa ningun pensionado y ni p'esunnan cu tin cu bay bira pensionado.

A purba di alerta pueblo di esaki, pero e alerta no a yega tur caminda. Por a mira den apenas 10 dia despues di eleccion, ya e lider di e partido opositor a indica cu ya e promesa aki

no ta relevante p'e mas. E 700 florin ta kit'e fo'i mesa basta e forma un gobierno, pasobra aparentemente partido FUTURO no ta di acuerdo cu nan riba esaki.

FUTURO tambe ta mira e cifranan y ta mira cu e no ta realistico. Den e declaracion ey di Mike Eman, apenas 10 dia despues di eleccion, ora el a sali for di informador y djs pa core forma un gobierno, a bisa cu "Mi no ta wanta mi mes n'e promesa di 700 florin. Nos ta bay wak con nos ta bay hisa pensioen di biehes den futuro." Probablemente manera e MEP a haci, stap pa stap.

Segun Evelyn Wever-Croes esaki ta un manipulacion grandi y tin un palabra p'e: Kiezersbedrog. Ora ta engaña e votado, pasobra a pidi e votado confiansa, pasobra ta bay hisa su pensioen y manera cu a haya e oportunidad, no por a haci esaki mas.

Wever-Croes a topa cu hopi

hende desepcion, pasora cu varios di nan a pone nan confiansa of a duna e voto n'e partido, no cu nan ta AVP, pa haya e pensioen p'e aumento y awo mester a scucha cu no lo tin un aumento, entrante april di e aña aki.

P'esey ta importante ora haya e derecho di voto, mester pensa bon prome cu tuma un decision asina. MEP a hisa e pensioen di biehes y nan ta orguyoso p'esey.

Tabata añanan hopi dificil. Anjanan cu cierto momento durante pandemia a kere cu e fondonan di AZV y SVb a bay kibra. Si e primanan no tabata drenta, cu casi no tabatin trabao y comercio, e fondonan ta core peliger. Pero a rescata esakinan tambe cu awo t'asina leu cu a aument'e y e lo sigui aumenta, pero den pasonan responsabel. Esey lo por sigui pasobra e economia lo bay duna suficiente p'esey.





## EDITORIAL:

# LEY DI DIFAMACION Y CALUMNIA, INCITACION Y INSTIGACION A BIRA GEDOOGD BELEID PA MINISTERIO PUBLICO DI ARUBA

Den un analisis cu SOLO DI PUEBLO a haci, por conclui cu e artikkel den buki di ley cu ta regarda smaad en laster, ta hinca den lachi na Ministerio Publico.

Esaki ta pasa pa bira un gedoogd beleid, na momento cu Ministerio Publico dicidi cu e no ta trata ningun di e sorto di kehonan aki, entre otro pa motibo cu no tin personal.

Pues, difamacion y calumnia a para bira algo normal den nos comunidad, ya cu e ley ta hinca den lachi y drumi na soño, peor ainda: morto na soño.


Consecuencia di e gedoogd beleid ta cu husticia a pone un banda e derecho di ciudadano. Ora nan entrega keho, nan keho no ta wordo trata. Informacion cu Solo di Pueblo tin, ta muestra riba

mas di 30 keho cu a wordo entrega y ningun a wordo trata.

Cu otro palabra: Ministerio Publico a duna Speed Andrade, Patrick y Mark Benson e "greenlight" pa nan sigui haci difamacion y trece calumnia.

No solamente difamacion y calumnia, sino tambe Speed Patrick y Mark ta invita nan oyentenan pa ora nan topa Famia Croes riba caya, pa grita nan. Esaki ta opruing, incitacion y instigacion.

Ningun autoridad no por pretende cu nan "no sa", pasobra nan tur sa. No ta solamente Famia Croes ta victima di bully, cu awor ocasiona cu e yiunan ta tuma ley den man, pero tambe tin masha hopi otro famia cu tambe ta pasa mescos na man di e monsternan di e plataforma di Mark



Benson Denz, Speed y patrick.

Nan ta grita contra tur hende, menos nan mes, cu tin dos sentencia di hues pa corrupcion cu radio di polis, unda pa nan culpa, dos polis a perde trabao.

Nan ta yama tur otro hende pa criminal, pero nan no ta wak nan mes den spiel. Naturalmente cu nan tin problema mental


tambe, pasobra hende den bon cabal no ta haci lo semehante, y hende cu ta comporta asina, ta hende cu ta sinti nan menos.

E pregunta clave ta: Ministerio Publico lo asumi responsabilidad den e casonan aki? Nan ta reconoce cu nan a habri porta hanchu pa Smaad, Laster, Licitacion y Instigacion, via tur plataforma? Incita hende

pa grita otro riba caya, no ta opruing? Hasta permiso di radio ta wordo viola tur dia, y autoridad ta sinta wak.

Nos ta spera cu e moketaso cu Speed a haya, lo por ta un eye opener unda cada ken mester haci nan mes e pregunta: Lage pa pueblo mes atende of husticia lo cambia nan postura enfrente nan gedoogd beleid y cumenza atende?

## CHAUFFEUR DI UN HYUNDAI ACCENT NO A REGULA VELOCIDAD NI MANTENE DISTANCIA A BAY DAL TRAS DI UN LINCOLN MKC



Diasabra atardi a drenta informe di un accidente den e fila na rotonde Ponton,, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di un Hyundai Accent no a regula su velocidad ni a mantene distancia a bay dal tras di Lincoln MKC. Afortunadamente ningun hende a resulta herida.





# CELEBRACION DI FIN DI AÑA Y HURAMENTACION DI MIEMBRO NOBO DI DELTA ARUBA LEO CLUB



Riba 19 di December ultimo, Delta Aruba Leo Club a tene su ultimo reunion di miembresia pa aña 2024.

Un momento pa reflexiona, celebra, i pone bista pa futuro. Nos a celebra nos logronan y proyectonan exitoso den aña 2024, y a refleha riba e impacto cu hunto nos a logra.

Tambe tabata un oportunidad pa cuminsa planifica pa un 2025 mas grandi ainda.

E momento principal di e anochi tabata e huramentacion di dos miembro nobo den e famia di Leo Club.

Gabrielle y Klaas nan entusiasmo y pasion pa

sirbi ta inspira nos, y nos ta hopi contento cu nan a acepta pa forma parti di nos team !

Un danki grandi na tur nos miembronan pa hasi e aña aki inolvidabel.

Y cu den 2025 nos por sigui ku nos mision di sirbi, crece y hasi un diferencia.

## CHAUFFEUR A BAY TUMA UN BIRADA GRANDI PA DRENTA E ATM Y E AUTO SU TRAS A BAY DAL SU TRAS




Diabierna atardi a dreña informe di un accidente na Stadionweg, mesora a dirigi un patruya na e sitio. Na yegada di e patruya a bin compronde cu aki ta trata di un pick-up

cu a bay pa dreña den e A.T.M. Drive-Thru y a tuma un birada grandi pa dreña y e auto su tras a bay dal tras di e Pick-Up. Afortunadamente ningun hende a resulta herida.





# EDMOND NA MARK BENSON: BO NO TA VICTIMA, BO TA AGRESOR



Permitimi dirigibo algun palabra: Bo medio ta un plataforma pa ataca mi famia, y awe bo kier pa mi famia keda keto? No mas! Abo, como doño di e medio cu ta usa bully contra henter Aruba, tin un responsabilidad grandi

pa carga. Tur hende cu boso bully mester cuminza atende boso cu paso firme.

Mi sobrino ta un bon mucha! respetuoso! pero ora nan mirabo, e doño di e medio cu ta bully nan, cu ta pone nan potret TUR dia, bo accion ta alimenta nan emocion.

Tabo mes ta mete cu nan tata, nan mama, nan wela (dfm); e ta bo plataforma cu ta solicita atencion di nan, forzando nan den e situacion. Awor bo kier pidi pa no mas violencia, pero bo medio si ta usa

violencia verbal riba nan pa 15 aña y tur dia! Bo violencia verbal si ta OKE?

Mark, Bo ta agresor. Bo mes ta hasi e bully y bo ta disfruta di e daño cu bo ta causa. Nos nunca a ataca bo mama, bo tata of bo welo defunto y bisa cos troci di nan. Lo bo kier nos cuminza papia di bo mama, bo tata tur dia? NO! Nos no ta haye corecto! Pero bo medio si ta crea y usa bullying!

Bo medio ta incita hende pa ora nan topa nos, pa nan grita nos. Opruiing

total riba bo plataforma y na Radio.

Bo no por laba man manera “yo no fui”: “no ami, ta nan”. Como doño, bo ta MAS responsabel. Si bo medio ta pone nan potret tur dia, bo mes ta provoca un reaccion, esey ta cay bao di bo responsabilidad. Enves di siña y ta un ehempel y corigi, bo ta prefera di tira culpa, hunga víctima y usa “stop violencia” como escudo. E unico elemento cu mente di vruminga aki ta ABO!

Awe mi ta lanta para no

pami so, pero pa TUR cu abo ta Bully tur dia. No tin espacio mas pa bo novela ni manipulacion! Pueblo ta fada di boso abuso y pueblo lo cuminza atende cu boso, segun tur reaccion riba red social. Ta Basta cu Mark Benson Denz su medio ta lastra hende. Sigui abusa, pero no yora ora bo wordo atendi! Laga esaki ta un wake up call, pasobra awe ta un mokete, pero nunca bo sa cua otro hende eyfo cu bo ta bully lo por actua pio. Abusador grandi bo ta! Bo NO ta vicitma! Bo ta AGRESOR! Cu Saludos di semper, Edmond Croes

## PA ‘UN BON COMIENSO 2025’ Y CELEBRACION 60 AÑA DI RECUERDO HUNTO CU TRIO LOS ARUBEÑOS Y RECORDANDO HUBERT (LIO) BOOI NA BIBLIOTECA NACIONAL ARUBA



Diahuebs 9 di januari di 6.30 pa 9.00 p.m. lo tin e prome actividad pa 2025 na Biblioteca Nacional Aruba, George Madurostraat Oranjestad, ‘Pa Un Bon Comienso 2025’ y celebrando ‘60 Aña di Recuerdo hunto cu Trio Los Arubeños’.

Den cooperacion cu Astrid Britten, Biblioteca Nacional Aruba, Siegfried Dumfries, Departamento di Cultura Aruba y Mirto Laclé, Gestor

Cultural lo presenta un anochi excepcional cu ‘Homenahe na Trio Los Arubeños’ y ‘Recordando Hubert (Lio) Booi’. Lo presenta un programa multidisciplinario cu enfoke riba musica, canto, declamacion, cultura, literatura y educacion en general.

Integrantenan di Trio Los Arubeños, Rey Lampe, Fortunato (Catey) Werleman y Mario Croes

ta embahadornan musical y cultural di Aruba. Orguyosamente nan ta comparti cu pueblo di Aruba e celebracion di nan 60 aña di existencia como Trio Los Arubeños. E trio no solamente ta celebra su 60 aña di existencia, sino henter un bida di recuerdo. Nan lo brinda cancionnan, particularmente na Papiamento, dunando aporte na cultura di Aruba riba tereno musical.

Lo brinda atencion ‘Recordando Hubert (Lio) Booi’ pa conmemora su bida y dies aña di fayecimento (21 di dec. 2014-2024).

Antonieta Ras-Booi hunto cu Hubert Ras lo comparti y interpreta algun cancion. Lo no falta musica di



caha di orgel ‘Mi Dulcita’ di Hubert Ras hunto cu Peterangelo Ras, presente y futuro.

Lo duna reconocimiento na algun persona cu a destaca y a promove cultura y folklore di Aruba, entre otro Sr. Leoncio ‘Maiky’ Croes (1930), leyenda y baluarte musical di Aruba.

Coro La Escala bou direccion di Hector

(Chichi) Perez lo deleita cu algun cancion.

Grupo di Dande lo ta presente pa desea un y tur un bon comienso pa Aña Nobo 2025.

Entrada ta gratis. Bin celebra cu nos na Biblioteca Nacional Aruba cu ta celebrando su 75 aña di existencia. Pa mas informacion Mirto Laclé, 7426274.



# Accidente hit & run na Guyabastraat



Diasabra mainta a drenta informe di un accidente na Guyabastraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente hit & run unda un auto a bay dal un



Chevrolet Onix cu tabata para y e auto a sigui core bay.

## ALGO A HINCA UN DAMA DEN LAMA Y AWOR TA KEHA DI DOLOR NA SU PIA



Diasabra atardi a drenta informe di cu algo a hinca un dama den lama y tin hopi dolor na su pia, mesora a dirigi un ambulans na e sitio. Na yegada di e ambulans nan a atende e dama y a transporte pa hospital.



## AUTO A SLIP RIBA E CAMINDA MUHA Y A BAY DAL RIBA E ROTONDE SER'I TEISHI



Diasabra madruga a drenta informe di un accidente na e rotonde Ser'i Teishi, mesora a dirigi un patruya na e sitio. Na yegada di e patruya a bin compronde cu e chauffeur di un

Hyundai Accent yegando e rotonde cu velocidad un poco mas duro y ora a brake no a logra para y a sigui slip bay dal riba e rotonde. Afortunadamente ningun hende a resulta herida.


















# CHAUFFEUR BURACHI NO A DUNA PREFERENCIA Y A OCASIONA UN ACCIDENTE CU HENDE HERIDA NA SOLITO



Diasabra anochi a drenta informe di un accidente

cu hende herida na Solito, mesora a dirigi tanto polis como ambulans na e sitio. Na yegada di e patruya a bin compronde cu aki ta traya di un accidente cu 3 auto involvi unda cu un Chevrolet suv di huur no a duna preferencia na un Pick-up y esaki a bay dal un van para banda di caminda. Debi na e impacto e chauffeur di e pick-up a resukta herida. Na yegada di e ambulans nan a atende y a transporte pa hospital. Polis a test e chauffeur y a detene pa core auto bao influencia y causa un accidente.

















<div><div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - January 05, 2025</div></div>		
<div><div>Sorteo # 8440</div><div>4582</div><div>3686</div><div>0880</div><div></div><div>X5</div><div></div><div>Sorteo # 7484</div><div>2274</div><div></div><div>X2</div><div></div><div>Sorteo # 2189</div><div>2581</div><div></div><div>Sorteo # 6243</div><div>2367</div><div>Aries</div><div></div><div>Sorteo # 1173</div><div>425</div><div></div><div>X2</div></div>	<div><div>Sorteo # 2557</div><div>0 x Jackpot</div><div>0 x Match 4+</div><div>6 x Match 4</div><div>200 x Afl. 12,00</div></div> <div>04-06-09-16-18</div> <div>Joker 31 Letter C</div> <div>Proximo Jackpot</div> <div>190.000,-</div>	<div><div>Sorteo # 6703</div><div>0 x Jackpot</div><div>5 x Match 4</div><div>187 x Afl. 8,00</div></div> <div>01-02-04-08-24</div> <div>Proximo Jackpot</div> <div>54.000,-</div>
<div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div>Mega Ball</div> <div>Proximo Jackpot</div> <div>480.000,-</div>	<div><div>Afl. 660.000,-</div></div>	
<div><div>Sorteo #</div></div>	<div></div>	

PUEBLO A HAÑA SU  
PEN BEK

Pa kualkier informacion  
solodipueblo@gmail.com

of

585-9500

<div><div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - January 05, 2025</div></div>		
<div><div>Sorteo # 4498</div><div>1323</div><div>9891</div><div>7920</div><div></div><div>x2</div><div></div><div>Sorteo # 4498</div><div>1877</div><div></div><div>x2</div><div></div><div>Sorteo # 2554</div><div>8632</div><div></div><div>Sorteo # 4498</div><div>3834</div><div>Scorpio</div><div></div><div>Sorteo # 1372</div><div>787</div><div></div><div>Fp</div></div>	<div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div></div> <div>Joker Letter</div> <div>Proximo Jackpot</div> <div>190.000,-</div>	
<div><div>Sorteo # 6704</div><div>0 x Jackpot</div><div>3 x Match 4</div><div>91 x Afl. 8,00</div></div> <div>08-15-16-27-30</div> <div>Proximo Jackpot</div> <div>55.000,-</div>		
<div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div>Mega Ball</div> <div>Proximo Jackpot</div> <div>480.000,-</div>	<div><div>Afl. 660.000,-</div></div>	
<div><div>Sorteo #</div></div>	<div><div>Sorteo #</div></div>	<div></div>



# MOTOCICLISTA A DESVIA PA UN TRUCK CU A BRAKE DIRIPIENTE Y ELA DAL ABAO NA PIEDRA PLAT



Diasabra mainta a drenta informe di un accidente cu hende herida dilanti Megastone Food Market na Piedra Plat, mesora a dirigi tanto polis como ambulans

na e sitio. Na yegada di e patruya a bin compronde cu aki ta trata di un pick-up truck cu tabata bayendo pariba a brake di golpi y e scooter

su tras a purba desvia pero su so cu su so a dal abao y a resulta herida. Na yegada di e ambulans nan a atende e victima y a transporte pa hospital.

# HOBEN A ACCIDENTA RIBA WAVERUNNER NA EAGLE BEACH PERO TA NENGA ATENCION DI AMBULANS



Diasabra atardi a drenta informe di un accidente riba lama na Eagle Beach, mesora a dirigi tanto polis como ambulans na e sitio. Na yegada di e patruya a bin compronde cu 3 ruman

tabata core cu 2 waverunner banda di otro esun cu tabata cu su ruman e ruman muhe nan a cambia y ora e ruman muhe a tuma e stuur e waverunner a bay banda robes y e otro ruman a bay



dal e ruman homber cu a haya tur e golpi. Mesora e operador di waverunner a bay na nan auxilio y a trese nan aden. Na nan yegada na canto a avisa e famia pa e keda drumi na beach pa

yegada di e ambulans. Prome cu e yegada di ambulans e famia mes aunke polis a bisa pa no move nan a lanta e victima net ora ey ambulans a yega. Ambulans a atende e victima pero esaki a bisa cu

e no kier bay cu ambulans pero e famia tabata tine wanta riba su pia. Despues di cu nan a bisa di no kier bay cu ambulans e famia mes a keda carga e victima pa nan hotel.



“Bou di alanan di Dios mi ta Sigur. Lo E cubri bo cu su alanan, bou di nan bo ta sigur, su fieldad lo ta pa bo un escudo, un harnas.”  
Salmo: 91-4

Cu inmenso tristesa na nos curason, pero conforme cu boluntad di Dios y agradecido pa tur locual el a nifica pa nos, nos ta anuncia fayecimento di:



**John “Johnny” Alex Habibe**

The Anchorman

Director di HIT94 FM & MEGA 88 FM

\*11-02-1954 - †30-12-2024

Na nomber di su yiunan:

Zefráh Davina Habibe

Zena Jamilette Habibe

Zia Alexia Habibe

Mama di su yiunan:

Aurora Dijkhoff

Su mayornan:

†Elias Habibe

†Bienvenida Bulos

Tantanen:

Altagracia Bulos

Viola Frangie-Bulos

Marlin Bulos-Marrug

Primonan, primanan, ihanan y amigonan cercano

Staf y personal di HIT 94 FM y MEGA 88 FM

Coleganan den media di comunicacion y tur su fiel oyentenan

Demas famia: Habibe, Dijkhoff, Bulos, Frangie, Roos, Ching, Toppenberg y Tromp

Ta invita pa asisti na e acto di condolencia y despedida  
cual lo tuma luga na Royal Funeral Home  
dialuna 6 di januari 2025 for di 1’ or pa 4’ or di atardi

Cremacion lo tuma luga despues den seno familiar

Nos disculpa si den tristesa nos por a lubida algun famia

The Anchorman su bos unico lo keda recorda pa semper

# Sorteo di ronda eliminatorio di Copa Betico Croes 2025



Diabierna na Angel Botta Technical Center (Oficina di AVB), a tuma lugar e sorteo di ronda eliminatorio pa e di 20 edicion di Copa Betico Croes. Ekiponan di Division Uno mester a bataya den e prome rond cu a tuma lugar den luna di december pa asina seis por a avansa pa e ronda eliminatorio hunto cu e dies ekiponan di Division Honor.

Achmed Nunes, secretario-

general di AVB, a habri e evento yamando tur presente bon bini. Despues di e apertura, Harvey Clement, Manager di competencia, a cuminsa cu e sorteo.

E prome wega di e torneo lo ta entre Caravel y La La Fama, programa pa 8 di Januari. E final di Copa Betico Croes lo wordo hunga 25 di Januari. Tur wega lo wordo hunga na Compleho Deportivo Frans Figaroa.



LOW BOY A LOS FOR DI TREKKER CU  
OPLEGGER NA ROTONDE BANDA DI  
HOSPITAL Y A CAUSA DAÑO NA CAMINDA



Diasabra mainta a drenta informe di cu un low boy cu oplegger a los for di e trekker y a causa daño na e infraestructura.

**Clasificados**  




**SOLODIPUEBLO@GMAIL.COM**  
**CEL.585 9500**  


**Paga bo cuenta  
online ta facil**

**Sea  
Abonnement  
of Aviso**



**Pago online,  
facil y lihe**  


**Pa hasi pago online pone nomber y adres na  
cuenta di banco RBC Sunmax Printing  
account # 7700000100152447**

**Oracion di dia**

**Un feliz dia y cu Dios colma boso cu Su bendicion abundantemente**

"Mi mester predica e Bon Noticia tocante Reino di Dios den e otro pueblonan tambe, p'esey a manda Mi!" Lucas 4,43

Hesus a bini na mundo pa siña Su discipelnan tocante e Reino di Dios.

Cu Su palabranan Hesus ta proclama binida di e Reino y cu Su actonan E tawata demostra cu e Reino tey caba y mesora E ta haci un milager di sanacion pa confirma cu berdaderamente e Reino tey. Mescos Hesus ta

spera di cada un di nos cu ta Su discipelnan. Nos ta nada otro cu sirbidonan cu a yega na fe pa medio di Hesus. Nos cada un tin cu haci e trabou cu Dios a duna nos guia pa Spirito Santo. No mag di tin envidia, division, ni pleitamento entre nos pasobra riba nos propio forsa nos niun no por haci nada. Tambe nos tin cu bay na unda Dios manda nos. Nos tur ta compañero den e trabou di Dios y Dios lo sa di recompensa cada un di nos pa e sirbishi den man di Dios. Animo rumannan pa sigui traha den e cunucu di Señor y asina gana alma pa Señor.

Oracion: Hesus nos Gran Maestro, instrui nos pa medio di Bo Spirito Santo y cu Bo luz ilumina nos mente y duna nos sabiduria pa nos por proclama Bo Palabra cu hopi curashi y humildad pa asina nos por ta un instrumento util den man di Señor pa sigui edifica



SEÑOR ta mi Wardador,  
mi n' tin falta di nada;  
den kunuku di yerba bèrdè  
E ta pone mi sosegá.  
E ta hiba mi na awa trankil,  
pa mi bolbe haña forsa  
Salmo: 23

Nos ta anuncia fayecimento di:

Jose Rosendo Tromp

Miho conoci como Piew of Jossy  
\*01-03-1942 - †30-12-2024

Yiu di:  
†José Herminegildus Tromp & famia  
†Elisa Tromp Dirks & famia

Casa/Esposa:  
Fransisca Tromp Maduro & famia

Yiunan:  
Marzia Lalwani-Tromp & Kamal Lalwani  
Ivan Tromp & Melitza Tromp-Jacobs  
Jorge Sneek & Magaly Sneek-Ridderstap  
Mayra Quandus y Robert Quandus y famia

Nieto/a:  
Lisen Lalwani  
Jai Lalwani  
Joseliene Tromp  
Jesseliene Tromp  
Giomar Tromp  
Jomaly Sneek

Manera yiu: Francis, Geraldine, Micheline, John, Jasmin  
Rumanan:  
†Maria del Carmen Croes Tromp & famia  
†Marignita Solognier Tromp & famia  
†Calista Tromp & famia  
†Elizabeth Tromp & famia  
†Brigida Montaner Tromp & famia  
Maria Aurora Hous Tromp & famia  
†Juan Bernard Tromp & famia  
†Francisco de Paula Tromp & famia

Amigonan di futbol y team RCA, bisiñanan di Sivi Divi, Maracastraat & Cas Ariba

Amigo y conocirnan y famianan na Curacao & Hulanda y demas famianan:  
Tromp, Maduro, Lalwani, Geerman, Sneek, Batista, Montaner, Jansen, Dirks, Boekhoudt, Lake, Casper, Croes, Thijsen, Varis,  
Wernet, Da Costa Gomez, Oduber, Pontilius, Theophile, Reyna, Vrolijk, Rodriguez, Gross, Ras, Roosberg, Arrindel, Lacle,  
Solognier, Van der Biezen, Dekker.

Ta invita pa e acto di entierro cual lo tuma lugar dialuna 6 di januari na misa Inmaculada Concepcion di  
2:00 pm pa 4:00 pm, despues lo sali pa Santana De Vries na Sta. Cruz

Nos ta pidi disculpa si den nos tristesa nos por a lubida un of mas famia.  
Nos ta lamenta cu despues di entierro no por ricibi condolencia na cas.





# SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen

## Shonnan tur : BON ANJA !



Nos tambe ta bendiciona pa a drenta un otro anja, e anja nobo 2025 cu hopi emocion y gradicimento na nos curason y pa por a despedi di 2024 cu a bay nos bon cu hopi experiencia gana y cu hopi lesnan sinja y tambe cu hopi ups and downs. Nos a y ta keda positivo den nos midi di fe y lo sigui duna bon Dios danki pa tur tur cos cada dia di nos bida den 2025 tambe. Dia 30 di December 2024 anochi, Johan Vrieswijk y su Lady Ruth a bay scucha Edjean Semeleer y grupo di musico y cantantenan canta Dande den nos dushi bario di Dakota tur dia. Ki bunita proyecto pa pueblo ! Ta Go Cultura so por bin cu proyectonan asina bunita, pa bishita barionan den diferente districtonan cantando ariba un trailer grandi moviendo ariba wiel di un lugar pa otro y asina hasi hopi hende felis pa tambe ricibi un Dande. Dushi pa tende Edjean canta dande pa Ruthy y tambe pa su dos yui hombernan na Hulanda Rene y Jean. Dia 31 di December bispo di anja anochi nos a pase serca nos mayornan den nos grupo intimo di famia cu esnan cu por a bin. Ruthy, Payo y Valerie a prepara dushi snacksnan, pasa palo,bolo y champagna y nos a companja

nos dushi y bunita Mayo den kamer cu su tiara di Happy New Year bisti y su dushi beis a permiti nos di saca pics como recuerdo. Despues nos a sinta cu Payo den veranda, disfruta di e anochi cu tawata carga di recuerdonan y emocionnan di famia di e anja 2024 y tambe mas atras den tempo. Lucas Jry Valerie a trese un fontein di vuurwerk cu nos a sende 12 or, ora cu rond di Aruba por a scucha e tiki tiramento di klapchi y wak un shelo dorna un crenchi na tur sorto di lus di color y figuranan bunita. No tawatatin hopi desordo y no a dura hopi tampoco. Ki felis e bestianan di cas lo tawata ! Nos a brinda cu champagna, sigui combersa un crenchi mas y despues laga tumba pa cas pa a laga Payonan bay drumi, pa no cansa nan di mas. Dia 1 di Januari 2025 Johan y Ruthy a bay bishita pa anja nobo su prome dia den oranan di anochi un di su bunita y bon bisinyanan sra. Yolanda, cu ta masha atento cu nos mayornan. Ruthy contento di a topa cu un ex estudiante amigo di Avond Havo den anjanan setenta, Lorenzo Flores, cu a keda mes guapo y hoben, ta manera tempo no a cambia. Nos a topa y saluda tambe amiga lieve Maria. Dushi di a topa tambe

cu un sra. lief, cu a duna nos compliment pa nos relatonan den corant,bisando mi cu e ta lesa tur y pa mi sigui skirbi. Y ariba peticion di un otro bunita sra.hoben bisti masha elegante mes na blanco, nos a recita un poema cortico, e unico cu Ruthy ta corda foi cabes di “Aruba isla den laman.” Pruebanan cu locual nos a hasi den 2024 ta wordo solicita pa nos sigui cu nan den 2025, esta, skirbi relato y poema y recita poema pa sigui inspira e curasonnan rond di nos. Pueblo ta pidi, y Lady Ruth ta complace. Nos chispa di nos cambio y entrada di anja den algun palabra expresa. Algun dia prome cu cambio di anja, nos a hanja un shock ora nos a lesa riba facebook encuanto e fayecimento di ripiente inespera di nos bon amigo, e mihor locutor cu e mihor bos na radio, Johnny Habibe di e radio emisoranan Mega 88 y Hit 94 FM.

Un bon hende cu a biba na paz cu tur rond di dje. Un cabayero cu hopi fe y un bon curason. Manera ta ley di naturaleza den universo, tristeza ta bay man den man cu alegria. Condolencia, consuelo y amor na henter Aruba cu e gran perdida aki di un profeshonal cu a stima su hobbie cu a bira su



profeshon y a demonstra esaki tambe den e bon calidad di programanan y noticieronan cu ela hiba, specialmente su “Johnnys Oldies”. Laga mi bay corta un slice di e dushi Kerstbrood y Pan de Jamon cumpra na Superfood,super super dushi mes! E Mega Supermarket nr. 1 di Aruba,” Superfood Plaza “cu tremendo bon prijs pa comestibles, bon servicio y cu ta yuda instancianan tur rond di Aruba durante henter anja. Shonnan, ricibi y accepta bo anja nobo 2025 cu gradicimento na bo curason dia pa dia. Make the best out of it ! Stima y yuda bo mes

pa por stima y yuda un otro tambe ! Un “bearhug” grandi diki gordo pa tur nos dushi fiel lectornan di nos relato semanal “Sabiduria den nos alegria ! Esaki, posibel cu cooperacion di Diario, Solo, Extra Bonaire y EANews on line lesa y mira local y internacionalmente. Danki pa lesa nos prome relato di 2025 cu amor y atencion. Nos lo sigui hasi nos best pa trese noticianan social cultural y actividadnan cu nos lo bishita, mas serca di boso curason. Aruba : Un Bon Anja ! Cu salud, alegria, gozo, pasenshi y sabiduria !